

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

জাতীয় দৈনিকসমূহে প্রকাশিত সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ৯১/২০১৭

ঢাকা, সোমবার ৮ মে ২০১৭, ২৫ বৈশাখ ১৪২৪

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। জনবিচ্ছিন্ন কেউই মনোনয়ন পাবেন না : প্রধানমন্ত্রী
- ২। হাতের রিংয়ের নির্ধারিত মূল্য কার্যকর করুন : স্বাস্থ্যমন্ত্রী
- ৩। ন্যায়বিচার নিশ্চিত করতে ৫৭ ধারা বাতিল করে নতুন আইন হচ্ছে : আইনমন্ত্রী
- ৪। ১৫ শতাংশ ভ্যাট আবাসন খাতের জন্য সহায়ক নয় : গৃহায়ন ও গণপূর্তমন্ত্রী
- ৫। দেশের উন্নয়নে সংসদ সদস্যদের আরও কাজ করতে হবে : স্পিকার
- ৬। সামাজিক যোগাযোগ মাধ্যমে উন্নয়নের প্রচার করুন
: সাংসদদের প্রতি প্রধানমন্ত্রীর তথ্য যোগাযোগ প্রযুক্তি বিষয়ক উপদেষ্টা
- ৭। শীঘ্ৰই নবম ওয়েজবোর্ড ঘোষণা : তথ্যমন্ত্রী
- ৮। সংস্কৃতির দরজা-জানালা বন্ধ করা যাবে না : সংস্কৃতিমন্ত্রী
- ৯। রামপাল নিয়ে বিভাস্তি ছড়ানো হচ্ছে : সংসদে বিদ্যুৎ প্রতিমন্ত্রী
- ১০। একাদশ শ্রেণিতে ভর্তি কার্যক্রম শুরু আগামী ৯ মে
- ১১। বিশ্বকবি রবীন্দ্রনাথ ঠাকুরের ১৫৬তম জন্মবার্ষিকী আজ

১। **জনবিচ্ছুল কেউই মনোনয়ন পাবেন না : প্রধানমন্ত্রী**

প্রধানমন্ত্রী শেখ হাসিনা বলেছেন, জনবিচ্ছুল কাউকেই আগামী জাতীয় সংসদ নির্বাচনে আওয়ামী লীগের মনোনয়ন দেওয়া হবে না। তিনি এখন থেকেই আগামী নির্বাচনের প্রস্তুতি নেওয়ার জন্য দলীয় এমপিদের নির্দেশ দিয়েছেন। প্রধানমন্ত্রী গতকাল ৭ মে রোববার সংসদ ভবনে আওয়ামী লীগ সংসদীয় দলের বৈঠকে সভাপতির ভাষণে আরও বলেছেন, আগামী নির্বাচন সহজ হবে না। অনেক কঠিন হবে। সরকার অনেক উন্নয়নমূলক কাজ করেছে বলে আত্মপ্রতিষ্ঠিতে ভুগলে কিংবা নির্বাচনকে সহজভাবে নিলে চলবে না। জনগণের কাছে যেতে হবে। কর্মদের মূল্যায়ন করতে হবে। সরকারের সকল উন্নয়ন কর্মকাণ্ড মানুষের কাছে তুলে ধরে জনগণের মন জয় করতে হবে। সূত্র-সমকাল (পৃ.১,ক.৮), জনকর্ত্ত (পৃ.১,ক.২), এশিয়ান এজ (পৃ.১,ক.২)।

২। **হার্টের রিংয়ের নির্ধারিত মূল্য কার্যকর করুন : স্বাস্থ্যমন্ত্রী**

হার্টের রিংয়ের নির্ধারিত মূল্য কার্যকরে চিকিৎসক, ব্যবসায়ীসহ সংশ্লিষ্ট সবার প্রতি আহ্বান জানিয়েছেন স্বাস্থ্যমন্ত্রী মোহাম্মদ নাসিম। গতকাল রোববার ৭ মে বঙ্গবন্ধু শেখ মুজিব মেডিকেল বিশ্ববিদ্যালয়ের ডা. মিলন হলে অঙ্গ-প্রত্যঙ্গ সংযোজন বিষয়ক এক সম্মেলনের উদ্বোধন অনুষ্ঠানে তিনি বলেন, দেশের অধিকাংশ মানুষ দরিদ্র ও মধ্যবিত্ত। সরকার বিশাল জনগোষ্ঠীর সাধ্যের মধ্যে আধুনিক চিকিৎসাসেবা নিশ্চিত করার লক্ষ্যে পদক্ষেপ নিয়েছে। চোখের লেসসহ পর্যায়ক্রমে সব ধরনের মেডিকেল ডিভাইসের মূল্য নির্ধারণ করা হবে। জনস্বার্থে সবাইকে এই উদ্যোগে সহায়তার হাত বাড়াতে হবে। সোসাইটি অব অরগান ট্রান্সপ্লান্টেশন বাংলাদেশ এই সম্মেলনের আয়োজন করে। সূত্র-সমকাল (পৃ.৫,ক.৬), সংবাদ (পৃ.৪,ক.৪)।

৩। **ন্যায়বিচার নিশ্চিত করতে ৫৭ ধারা বাতিল করে নতুন আইন হচ্ছে : আইনমন্ত্রী**

৫৭ ধারা জনগণের বাক স্বাধীনতা হরণ করছে এমন বিতর্ক উঠায় এটি বাতিল করা হচ্ছে। নতুন ডিজিটাল সিকিউরিটি অ্যাক্টে এ বিষয়টি আরো স্পষ্ট করা হবে। বর্তমানে ৫৭ ধারার অধীনে যে সকল মামলা পরিচালিত হচ্ছে বা তদন্তাধীন রয়েছে, নতুন আইনে ন্যায়বিচার যাতে সকলে পায় সে ব্যবস্থা করা হবে। ৫৭ ধারাটি কতিপয় ব্যক্তি বার বার অপব্যবহারে চেষ্টা করে যাচ্ছিল। তাই ৫৭ ধারা বাতিল করে নতুন আইন করা হচ্ছে। গতকাল ৭ মে রোববার হবিগঞ্জে নবনির্মিত চীফ জুডিশিয়াল আদালত ভবন উদ্বোধন শেষে আইনমন্ত্রী আনিসুল হক এসব কথা বলেন। সূত্র-ইনকিলাব (শেষ পৃ.ক.১), জনকর্ত্ত (পৃ.১,ক.১), বাংলাদেশ টুডে (শেষ পৃ.ক.৬), অবজারভার (পৃ.৩,ক.৬)।

৪। **১৫ শতাংশ ভ্যাট আবাসন খাতের জন্য সহায়ক নয় : গৃহায়ণ ও গণপূর্তমন্ত্রী**

গৃহায়ণ ও গণপূর্তমন্ত্রী ইঞ্জিনিয়ার মোশাররফ হোসেন বলেছেন, ঢালাওভাবে ১৫ শতাংশ ভ্যাট বেসরকারি আবাসনের জন্য কোনোভাবেই সহায়ক হবে না। বর্তমানে দেশের জনসংখ্যার তুলনায় করদাতার সংখ্যা খুবই কম। এটা কোনোভাবেই গ্রহণযোগ্য হতে পারে না। এ বিষয়ে জাতীয় রাজস্ব বোর্ডকে আরও উদ্যোগী হতে হবে। একই ব্যক্তির ওপর করের বোৰা বাড়াতে থাকলে দেশে উদ্যোগ্তা করে যাবে বলে আশঙ্কা প্রকাশ করেন তিনি। একই সঙ্গে উন্নয়ন কাজের গতিবৃদ্ধি করতে দেশে করদাতার সংখ্যা বাড়ানোর ব্যাপারে জোর তাগিদ দিয়েছেন তিনি। গতকাল ৭ মে রোববার ঢাকা ক্লাবে অনুষ্ঠিত ‘জাতীয় অর্থনীতিতে আবাসন খাত’ শীর্ষক গোলটেবিল আলোচনায় প্রধান অতিথির বক্তৃতায় তিনি এসব কথা বলেন। সূত্র-যুগান্তর (পৃ.২,ক.২), জনকর্ত্ত (পৃ.১৮,ক.৬), নিউজ টুডে (শেষ পৃ.ক.১)।

৫। **দেশের উন্নয়নে সংসদ সদস্যদের আরও কাজ করতে হবে : স্পিকার**

সিপিএ চেয়ারপারসন ও জাতীয় সংসদের স্পিকার ড. শিরীন শারমিন চৌধুরী বলেছেন, টেকসই উন্নয়নের লক্ষ্য (এসডিজি) অর্জনে সরকারের সঙ্গে সংসদ সদস্যদের আরও কাজ করতে হবে। গতকাল ৭ মে রোববার জাতীয়

সংসদের শপথ কক্ষে সংসদ সচিবালয় ও প্রধানমন্ত্রীর কার্যালয়ের যৌথ উদ্যোগে আয়োজিত এসডিজি বিষয়ক অবহিতকরণ কর্মশালায় স্পিকার এসব কথা বলেন। সূত্র-সংবাদ (শেষ পৃ.ক.৫)।

=৩=

৬। **সামাজিক যোগাযোগ মাধ্যমে উন্নয়নের প্রচার করুন**

: সাংসদের প্রতি প্রধানমন্ত্রীর তথ্য যোগাযোগ প্রযুক্তি বিষয়ক উপদেষ্টা

জাতির পিতা বঙ্গবন্ধু শেখ মুজিবুর রহমানের দৌহিত্র এবং প্রধানমন্ত্রী শেখ হাসিনার তথ্য যোগাযোগ প্রযুক্তি বিষয়ক উপদেষ্টা সঙ্গীব ওয়াজেদ জয় বলেছেন, এখন প্রচারের মাধ্যমে অপপ্রচারের জবাব দিতে হবে। স্বাধীনতাবিরোধী ও তাদের দোসরদের সরকার বিরোধী অপপ্রচার রহিতে এবং উন্নয়ন কর্মকাণ্ড তুলে ধরে তরুণদের কাছে টানতে আওয়ামী লীগের সংসদ সদস্যদের সামাজিক যোগাযোগ মাধ্যমে সক্রিয় হওয়ার আহ্বান জানান তিনি। গতকাল ৭ মে রোববার ধানমন্ডিতে আওয়ামী লীগের নতুন নির্বাচনী কার্যালয়ে ‘সামাজিক যোগাযোগ মাধ্যমে সংসদ সদস্যদের ভূমিকা’ শীর্ষক তিনি দিনব্যাপী কর্মশালার উদ্বোধন অনুষ্ঠানে তিনি এসব কথা বলেন। সূত্র-জনকর্ত্ত (পৃ.১,ক.৫), সমকাল (শেষ পৃ.ক.১), এশিয়ান এজ (শেষ পৃ.ক.৪), ডেইলি সান (শেষ পৃ.,ক.১)।

৭। **শীত্রই নবম ওয়েজবোর্ড ঘোষণা : তথ্যমন্ত্রী**

তথ্যমন্ত্রী হাসানুল হক ইন্ঝু বলেছেন, সাংবাদিকদের জন্য শীত্রই নবম ওয়েজবোর্ড ঘোষণা করা হবে। তিনি গতকাল ৭ মে রোববার সংসদে সরকারি দলের হাইপ শাহাবউদ্দিনকে সম্পূরক এক প্রশ্নের জবাবে একথা বলেন। তথ্যমন্ত্রী বলেন, বিচারপতি নিজামুল হককে প্রধান করে গণমাধ্যমে কর্মরত সাংবাদিক কর্মচারীদের জন্য নবম ওয়েজবোর্ড গঠনের প্রক্রিয়া ইতোমধ্যে শুরু হয়েছে। মন্ত্রী বলেন, দ্রব্যমূল্যের বর্তমান পরিস্থিতি বিবেচনায় মালিক পক্ষ ও সাংবাদিক-কর্মচারীরা বসে যে বেতন-ভাতা নির্ধারণ করবে সরকার তা বাস্তবায়নে উদ্যোগ নেবে। সূত্র-ইন্ডিফাক (পৃ.৩,ক.৫), সমকাল (পৃ.৫,ক.১), বাংলাদেশ টুডে (পৃ.১,ক.৬), নিউজ টুডে (পৃ.৩,ক.২)।

৮। **সংস্কৃতির দরজা-জানালা বন্ধ করা যাবে না : সংস্কৃতিমন্ত্রী**

সংস্কৃতিমন্ত্রী আসাদুজ্জামান নূর বলেছেন, আকাশ সংস্কৃতির কিছু মন্দ প্রভাব সমাজে পড়ছে বলে সংস্কৃতির দরজা-জানালা বন্ধ করা যাবে না। আলোকিত মানুষ ও মানবিক সমাজ গড়তে নতুন প্রজন্মের মধ্যে বই পড়ার অভ্যাস গড়ে তুলতে হবে। গতকাল রোববার ৭ মে বরিশাল জিলা স্কুল চতুরে ৭ দিনব্যাপী বিভাগীয় বইমেলা উদ্বোধনের পর প্রধান অতিথির বক্তব্যে সংস্কৃতিমন্ত্রী এ কথা বলেন। সূত্র-সমকাল (পৃ.৩,ক.১), সংবাদ (শেষ পৃ.,ক.৮)।

৯। **রামপাল নিয়ে বিআন্তি ছড়ানো হচ্ছে : সংসদে বিদ্যুৎ প্রতিমন্ত্রী**

বিদ্যুৎ, জ্বালানি ও খনিজ সম্পদ প্রতিমন্ত্রী নসরুল হামিদ বিপু বলেছেন, রামপালবিরোধী ষড়যন্ত্রকারীরা বিভ্রান্তির তথ্য ছড়াচ্ছেন। তারাই একসময়ে পদ্মা সেতুরও বিরোধিতা করে বলেছিলেন, পদ্মায় সেতুর পিলারের কারণে ইলিশের প্রজনন ক্ষতিগ্রস্ত হবে। গতকাল রোববার ৭ মে সংসদের বৈঠকে প্রশ্নেতরে অংশ নিয়ে তিনি এসব কথা বলেন। সূত্র-সমকাল (পৃ.৩,ক.৫), জনকর্ত্ত (পৃ.১,ক.২), বাংলাদেশ টুডে (পৃ.১,ক.২), অবজারভার (পৃ.৩,ক.৫)।

১০। **একাদশ শ্রেণিতে ভর্তি কার্যক্রম শুরু আগামী ৯ মে**

দেশের সব সরকারি-বেসরকারি কলেজে একাদশ শ্রেণিতে (উচ্চ মাধ্যমিক) শিক্ষার্থী ভর্তি কার্যক্রম শুরু হবে আগামী ৯ মে। প্রথম পর্যায়ে ভর্তির জন্য মনোনীতদের তালিকা প্রকাশ করা হবে ৫ জুন। ভর্তি শুরু হবে ২০ জুন, ১ জুলাই থেকে শুরু হবে ক্লাস। গত বছরের মতো এবারও অনলাইন ও এসএমএসের মাধ্যমে ভর্তির আবেদন করতে হবে। এবারও ভর্তিতে শিক্ষার্থীরা পছন্দের ১০টি কলেজের নাম দিতে পারবে। গতকাল ৭ মে রোববার ২০১৭-১৮ শিক্ষাবর্ষে একাদশ শ্রেণিতে ভর্তির নীতিমালা-২০১৭ জারি করে শিক্ষা মন্ত্রণালয়। এবারও এসএসসি'র ফলের ভিত্তিতেই একাদশ শ্রেণিতে শিক্ষার্থী ভর্তি করা হবে। সূত্র-ইন্ডিফাক (শেষ পৃ.ক.৮), সংবাদ (পৃ.১,ক.৮), নিউজ টুডে (শেষ পৃ.,ক.৪), ডেইলি সান (শেষ পৃ.,ক.৮)।

১১। **বিশ্বকবি রবীন্দ্রনাথ ঠাকুরের ১৫৬তম জন্মবার্ষিকী আজ**

আজ পঁচিশে বৈশাখ। বাংলির প্রাণপুরুষ বিশ্বকবি রবীন্দ্রনাথ ঠাকুরের ১৫৬তম জন্মবার্ষিকী। রবীন্দ্রনাথ ঠাকুর বাংলা ভাষা ও সাহিত্যে বিশ্বয়কর প্রতিভা। বাংলা সাহিত্যের অবিচ্ছেদ্য এই কবির ১৫৬তম জন্মবার্ষিকী উপলক্ষে পৃথক বাণী দিয়েছেন রাষ্ট্রপতি মো. আবদুল হামিদ ও প্রধানমন্ত্রী শেখ হাসিনা। মানবিকতা, প্রেম ও শুভবোধের কবি আদর্শ পুরুষ রবীন্দ্রনাথের প্রতি শ্রদ্ধা-ভালোবাসা অর্ঘ্য প্রদানের মাধ্যমে বিভিন্ন রাজনৈতিক, সামাজিক ও সাংস্কৃতিক সংগঠন আয়োজন করছে নানা অনুষ্ঠান। সূত্র-ইনকিলাব (পঃ.১,ক.৮), সংবাদ (পঃ.১,ক.৮), ডেইলি সান (পঃ.১,ক.১), এশিয়ান এজ (পঃ.১,ক.৮)।

=8=

সম্পাদকীয়

- ক. ইউফাক : দেশের ব্যাংকগুলোর ৫২ শতাংশই তথ্য নিরাপত্তা ঝুঁকিতে থাকায় প্রযুক্তির নিরাপত্তার জন্য ব্যয় বাড়িয়ে সার্বিক সুরক্ষা নিশ্চিত করার প্রত্যাশা।
- খ. সংবাদ : চালের দাম বেড়েই চলায় উদ্বেগ প্রকাশ করে জনদুর্ভোগ লাগবে জড়িতদের বিরুদ্ধে কঠোর ব্যবস্থা গ্রহণ করে দাম নিয়ন্ত্রণে আনার সুপারিশ।
- গ. প্রথম আলো : সাক্ষীর অভাবে দেশের ৬৮ কারাগারে বিনা বিচারে থাকা ৬৩০ বন্দীর সাক্ষীসংক্রান্ত চলমান অচলাবস্থা দ্রুত কাটাতে স্বরাষ্ট্র মন্ত্রণালয়কে উদ্যোগী হওয়ার আহ্বান।
- ঘ. সমকাল : ইয়াবা পাচারকারীদের কঠোর শাস্তি দেওয়ার বিষয়ে প্রধানমন্ত্রীর ঘোষণাকে স্বাগত জানিয়ে দ্রুত ইয়াবা পাচারকারী-বিতরণকারী মূল হোতাদের দৃষ্টান্তমূলক শাস্তি দেওয়ার আহ্বান।
- ঙ. ইন্ডিপেন্ডেন্ট : চট্টগ্রাম বিশ্ববিদ্যালয়ের ৩৪ শিক্ষক ১৯৮৫ সন থেকে বিভিন্ন সময়ে বিদেশ গিয়ে ফিরে না আসায় এসব পলাতক শিক্ষকদের বিরুদ্ধে আইনিভাবে শাস্তিমূলক ব্যবস্থা নেওয়ার ওপর গুরুত্বারোপ।
- চ. ডেইলি সান : রাজধানীর সড়কে অবৈধ পার্কিং বন্ধ করতে পারলে যানজট সমস্যা অনেকাংশে কমানো সম্ভব বলে অভিযন্ত।
- ছ. ডেইলি স্টার, নিউ নেশন, যায়যায়দিন : অবৈধভাবে সমুদ্র পথে ইউরোপে পাচারকৃত অভিবাসীদের অধিকাংশই বাংলাদেশ হওয়ায় উদ্বেগ প্রকাশ করে সরকারকে এ ব্যাপারে জড়িত সংঘবন্দ অসৎ এজেন্টদের বিরুদ্ধে দ্রুত ব্যবস্থা গ্রহণের পাশাপাশি বৈধভাবে শুধুমাত্র বিমানবন্দর দিয়ে বিদেশ গমন নিশ্চিত করার সুপারিশ করে সম্পাদকীয় প্রকাশ করেছে।

উপ-সম্পাদকীয়

প্রথম আলো পত্রিকায় প্রকাশিত কলামে বিসিএস সাধারণ ক্যাডারের সিলেবাসও সময় ও দেশের ক্রমপরিবর্তনশীল চাহিদার সঙ্গে সংগতি রেখে ক্রমাগতভাবে পরিবর্তন করা দরকার বলে উল্লেখ করা হয়েছে।

নিবন্ধ ও ফিচার

সংবাদ পত্রিকায় প্রকাশিত ‘গণপরিবহণে নারীদের নিরাপদ চলাচল নিশ্চিত করতে হবে’ শিরোনামের নিবন্ধে চিন্ত ক্রাপিস রিভেন্যু ডিজিটালাইজেশনের যুগে নারীদের গণপরিবহণে চলাচলের পথ সুগম ও পরিচ্ছন্ন করতে পুরুষদের সহযোগিতা করতে হবে বলে অভিযন্ত প্রকাশ করেছেন।

#

